

Na osnovu zajedničke implementacije mentorskog programa *Stariji brat, starija sestra* od 2004. godine i uz međusobnu saglasnost zaključuje se

PROTOKOL O NASTAVKU SARADNJE

Između:

1. **Udruženja Stručni centar za prevenciju ovisnosti** (nekadašnje *Udruženje NARKO-NE*), Sarajevo, ul. Hermanna Gmeina 13, koje zastupa izvršni direktor Amir Hasanović (u daljem tekstu Stručni centar) i
2. **JU Kantonalni centar za socijalni rad Sarajevo**, ul. Gatačka br. 80, kojeg zastupa direktorica Draženka Osmanspahić (u daljem tekstu Centar za socijalni rad)

Član 1.

Ovim Protokolom utvrđuju se obaveze Centra za socijalni rad i Stručnog centra, u pripremi i implementaciji mentorskog programa za socijalno uključivanje djece u riziku *Stariji brat, starija sestra*. Program će se implementirati u periodu od 01. 10. 2025. godine do 30. 09. 2026. godine.

Član 2.

Međusobna saradnja se bazira na uzajamnom razumijevanju i saglasnosti potpisnika Protokola, te pojedinačnim i zajedničkim aktivnostima usmjerenim na realizaciju programa.

Član 3.

Obaveze Centra za socijalni rad u skladu sa članom 1. ovog Protokola su slijedeće:

- Omogućiti realizaciju programa u planiranom vremenskom periodu,
- Imenovati stručne saradnike koji će biti uključeni u gore navedeni program,
- Informisati općine u kojima se implementira mentorski program *Stariji brat, starija sestra*,
- Promovirati program u javnosti,
- U skladu sa mogućnostima podržati razvoj i proširenje programa, te njegovo uključivanje u preventivne aktivnosti Centra za socijalni rad:
 - o Učestvovati na radnim sastancima sa predstavnicima Stručnog centra, vlasti i nadležnih institucija za pripremu inkorporiranja modela *Stariji brat, starija sestra* u sistem socijalne zaštite,
- Obaveze stručnih saradnika:
 - o Učestvovati u realizaciji aktivnosti u skladu sa planom programa,
 - o Sačiniti spisak djece u riziku (prioritetno djeca bez roditeljskog staranja i vaspitno zanemarena djeca, djeca iz porodica sa problemima alkoholizma, nasilja u porodici, siromaštva),
 - o Pripremiti relevantne informacije o djeci za koordinatoricu programa i volontere/mentore,
 - o Učestvovati u izradi i realizaciji individualnih planova za djecu,

- Uspostaviti prve susrete: stručni suradnik – volonter – dijete – roditelji/staratelji,
- Pružati stručnu i praktičnu podršku volonterima u realizaciji aktivnosti projekta, tokom savjetodavnih sastanaka, te sačiniti izvještaje o istim,
- Uraditi evaluaciju programa u saradnji sa Stručnim centrom.

Član 4.

Obaveze Stručnog centra koje proizlaze iz člana 1. ovog Protokola su slijedeće:

- Omogućiti realizaciju programa u planiranom vremenskom periodu,
- Obezbjediti finansijsku podršku za edukativni i savjetodavni program volontera,
- Obezbjediti finansijska sredstva za ciklus druženja volontera/mentora sa djecom,
- Osigurati naknadu za stručne saradnike u skladu sa angažmanom i obimom posla na programu, van njihovog radnog vremena,
- Organizirati savjetodavne sastanke za volontere,
- Organizirati radne sastanke sa predstavnicima Centra za socijalni rad, vlasti i nadležnih institucija za pripremu inkorporiranja modela *Stariji brat, starija sestra* u sistem socijalne zaštite,
- Uraditi evaluaciju programa u saradnji sa Centrom za socijalni rad,
- Promovirati program u javnosti.

Član 5.

Protokol o saradnji, u pripremi i implementaciji mentorskog programa *Stariji brat, starija sestra* ostaje otvoren za izmjene, uz uzajamnu saglasnost potpisnika i na osnovu prijedloga i sugestija neposrednih nosilaca obaveza utvrđenih ovim Protokolom.

Član 6.

Sve nesuglasice će se rješavati u okviru postojeće pravne regulative i u duhu tolerancije i razumijevanja.

Član 7.

Ovaj Protokol sačinjen je u četiri istovjetna primjerka od kojih svaki potpisnik zadržava po dva.

JU Kantonalni centar za socijalni rad Sarajevo

Draženka Osmanspahić

Broj: 31-01101-530-221014-

Sarajevo, 08. 10. 2025. godine



Stručni centar

Amir Hasanović

Broj: I36-09/25

Sarajevo, 19. 09. 2025. godine

